

دردنجی سنه - يدنجی جلد

۲۰۲ نومرو

۱۲ جمادی الاول ۱۳۱۳ - تشرین اول ۱۹۱۱ ۱۳۱۱

اداره خانه سی

باب عالی جاده سنده قصبار کتبخانه.
سیدر. رساله یه متعلق کافه مسئولیت
و خصوصیات ایچون (قصبار کتبخانه
سنه) مراجعت اولونور.

نسخه سی ۲۰ پاره در



آبونه بدلی

بر سنه لك الی ایکی نسخه سی پوسته
اجرتیله برابر بروجه پیشین ۳۵
غروش، استانبول ایچون اداره.
خانه دن آلمق اوزره ۲۰ غروشه در.

نسخه سی ۲۰ پاره در

پنجشنبه کونلری نشر اولونور فنی و ادبی رساله

صانکه برنو مال ایتش تابان
آسمان خیالده پران
نازل اولق مرام ایدوب ناکاه
اینورکن زمینه رنکفشان
پروبالی لطائف سودا

جسم نازنده سی بتون عریان
بر بلوط بولش استتار ایتش
ایتمه مکچون قلوبی هپ لرزان
زیر و بالایله ایلیمش پرواز
آرامش شاعری او خیلی زمان
اوچهرق تا بو موقعه کلش
دوشیویرمش بیتیجه تاب و توان

حسنى اطرافه انتشار ایتش
کلشنی غرقه بهار ایتش
مغنی زاده
طاهر

آجدقه تاب نوم ایله آغوش وبالگی
سینه کده خنده خنده اولور بوسه وصال
چالدقه نور حسنکی بر چشم بی مجال
افزونتر ایلور ید قدرت جمالگی
یوق طاقم بو حالکه ای مهربان اویان !

ظل حریم عصمتکه التجا ایدر
روح: او پیر عشق... پرستنده جمال
جسم: او یرمی اوچ سنه لك رهرو ملال
دوشمش زمین مرسته پک رجا ایدر
آج چشم دلنوازیگی گولسون جهان اویان !
احمد ادیب



فلسفه جزا

جزا مسئله سی اوروپاده اك زیاده افکاری انغال
یدن مسائلدن بریدر. بحث هیئت قومیه نك محافظه ووقایه سنه
نعلق ایتدیکی ایچون فوق العاده اهمیت کسب ایتش
و «قریمنا لیزم» نام مسلك مشهورك ظهورینی موجب
اولمشدر. بو مسلكه منسوب حقوق شناسان عصر هر سنه
صبره ایله ممالك مختلفه ده اجتماع ایتك اوزره قونغرملر
تشکیل ایتمشدر، بو قونغرملرده باشلیجه موضوع بحث
اولان مواد، قوانین جزائییه هیئت قومیه نك ماهیت
حقیقیه سنه موفق بر حاله وضع وارباب جنایتك اصلاح
حالی تأمین ایتك ایچون لازم کلان وسائلی تدقیق
و احضاردن عبارتدر.

فی الحقیقه بر قومك تمدن ایتسی افرادینك حسن
اخلاق و غیرتیله ممکن اوله بیلور. محافظه حسن اخلاق
رسمی و غیرتده ثبات و متانت ایسه انجق حقوق شخصیه نك
تأمین سایه سنده قابل اولور. فقدان امنیت - علم ثروتله ده
مصدق اولدینی وجهله - اعتبار و تجارتك و بونك نتیجه
طبیعیه سی اوله رق ثروت عمومیه نك محو و تدنیشنی انتاج

پری خوابیده یه

نمخور نشوه شب وصلت گبی سما
پک آچه مش نقابنی خورشید شعله ور
حسنکله جلوهر ایدیور لمعه سحر
کیسوی تار مارگی بوس ایلور صبا
ای خواب نازی فکری پریشان ایدن اویان !

عکس ایلیمش جمالکه بیک نشه جنان
خوابیده گوزلرک بیله مستور خنده در
یوقسه فرشته لرله می صحبتده سک آمان !
ای ابتسامی باعث شوق روان اویان !

دل بسته در پری شفق کل دهانکه
انوار ایچنده خوابگهك غنچه زاردر
ذوق چمن، صفای بهار بی قراردر
ویرمنز نقیصه فصل خزان کلهستانکه
ای غنچه بدیعه فطرت امان اویان !

ایدر. بناءً علیه محافظه امنیت خصوصی هیئت قومیه
ایچون حیات و ممات مسئله سیدر دینسه بجادر.

هر قوم، افرادینک جان و مالی تأمین و حمایه ایچون
بر اصول مطرده اتخاذینه مجبوردر. بونقطه نظر دقته المنقسنین
اجرا ایدیله جک حرکته نقدر حسن نیت کوسترلسه
محاذیر متعدده نك اوکی الله مز. بر اصول مطرده وضع
و اجرایی ایسه انجق هر کس حقنده بلا استثنای مرعی الاجرا
اوله جق بر قانونه تأمین ایدیله بیلر. بناءً علیه بو باده اک
زیاده شایان دقت اولان شی بر قانون ترتیب و تنظیمیدر.
بو قانون نه صورتله یاپلملیدر که هم محسنات مطلوبه بی
مستلزم اولسون و همده ماهیت معنویه بشریه به مغایر
بولنسون. بو خصوصده واضع قانونه رهنا اوله بیله جک
باشلوجه اوج مسلك واردر که برنجیسی «اسپریتو آلیم»
ایکنجیسی «ناتورالیزم» و اوچنجیسی «ایده آلیم» در.
بونلردن هر برینک دیکر لرینه ترجیحاً تصویبینه کوره
حصوله کله جک نتایج پک زیاده تخلف ایده جکندن واضع
قانون جداً مشکل بر موقعده بولنش اولور.

اعصار سابقه یکدیگر یله مقایسه اولنور ایسه کوریلور که
مقصد نشر عدالت اولدینی حالد انسانلرک مختلف زمانلرده
اتخاذ ایتدکاری قواعد بر برینک بسبتون مغایریدر مزارسنر
قالمق بر زمانلر اک بیوک فلاکت و جزالردن عد اولندیغی
حالده بو کون هانکی واضع قانون همجنسنی قتل ایدن
بر جانی حقنده بونکله اکتفا ایده بیلور. جرمی تبیین
ایتمیان بر شخصی کندیسنه اسناد اولنان ایشده دخل
و تهمتی اولوب اولمدیغی کلامق ایچون آتشه آتمق
و محروقافات ایتدیکی صورتده معصومیتنه قرار و یرمک کی
مضحک و فقط مؤثر احوالک عصر مزده تکررینه کیم
احتمال ویره بیلر؟

کذلک ارباب جرائمک صورت و درجه محکومیتی
هر وقت تخلف ایتشد. اشکنجه، بر زمانلر هر حبس
جزاسنک رنکن اصلینسی تشکیل ایتدیکی حالده بو کون
اقوام متمدنه قوانیندن کلیاً طی ایدلشد.

قوانین جزائییه نك صورت ترتیندن اول هیئت قومیه نك
افراد ملت اوزرنده حقیقتاً بر حق تأدیبی اولوب اولمادیغی
اکلامق ایجاب ایدر.

سربستی شخصی مطلقه نك تعاون و اتحادیله یشامق
مجبوریتده بولنان انسانلر اره سنده تطبیق و اجرایی
عدم الامکان اولسنه مبنی هر فرد سربستیسنک بر قسمتی، قسم
کلینسی وقایه و محافظه ایچون فدا ایتک مجبوریتده بولنشد.
قوانین و بو جمله دن اوله رق قانون جزا بو فدا کارلغک
عمومجه قبولی سایه سنده اتخاذ اولنه بیلان قواعد تدافیه
مجموعندن عبارت بولندیغندن - هر کسک تحدید اولنان
حریتی دائره سنده سربستی تامه یه مظهریتی تأمین ایتک
شرطیله - حریت شخصیه یه طوقونمق شویله طورسون
بالعکس بونک بالخاصه خادم و مدافعیدر. بنابرین هیئت
قومیه نك عموم حقنده مرعی الاجرا بر قانون جزا
تنظیمه حقوقی انکار اوله ماز. فقط بو قانونده وضع
اولنه جق مجازاتی نه کی بر اساسه ایتنا ایتک لازمدر؟

«اسپریتو آلیم» مسلکی انسانده بر «لیبر آریت» ینک
وجودینی ادعا ایدرک هر حرکتدن ترتیب ایده جک
مسئولیتک تماماً کندیسنه عائد اولمسی لزومنی درمیان
ایلمکده در. المانیا مشاهیر فلسفیونندن «قانت» ایله
«شوپنهاور» ک بو فکری تسلیم ایدن نظریلرنده غایت
غریب بر نقطه واردر. بونلر انسانک حسن و سوء
اخلاقدن هر استدیکنی انتخاب و اخذه اقتدارینی قبول
ایلدکلرندن حین حاجته سوء انتخابندن طولانی مسئول
طوتلمسی لازمکله جکنی سرد ایلمکده درلر. محاسن
اخلاق، تشکلات بنیه و تأثیرات موقعیه ودها بعض اسبابه
تابع اولوب اوله انسانده - الفرد فوییه نك دیدیکی کی -
دنیا قارناوالی ایچون حاضر البسه مغازه سندن البسه
اشتراسنه تشبیه اولنه بیله جک بر حق انتخابک وجودی
تصور اولنه ماز !!!

یقین زمانلره ککنجه یه دک هر طرفده قوانین جزائییه نك
اساسنی اشته شومسئولیت مطلقه بشریه تشکیل ایدیوردی.
اعصار سابقه ده ارباب جرائم حقنده قوانین جزالرک
شدت و دهشتی هپ بو فکرک نتیجه طبیعییه سی ایدی.
انکیزیسون کی خاطره سی بیله انسانیتی الی الابد اغلاته جق
بر محکمه مستبدیه نك آیلرجه آتش اوزرنده، چارمیخ
آلتده بر موت بطییه عرض ایتدیکی یچارملر هپ بو
فکرک قربانی اولدیلر. عصر حاضرده علوم و فنونک

و خصوصيله «بيسيقولوژی» نك ترقيسى شو ذهابك قوانین متمدنه دن آغز آغز حذفی موجب اولمقده در.

«ناتورالیزم» نك بو خصوصده کی فکری ایسه، انسانك حصولنده هیچ بردخلی اولدیغی سوء اخلاقی سببيله اجرا ایتدیکی جرائدن طولانی محکومیتی هیچ بروجله شایان عدالت اوله مز، مرکزنده در. بوقولك موقع اجرایه وضعی حالده نه کی اغتشاشاته میدان ویريله جکی تعریفدن مستغیدر. همجنسینه وحتی کندی نفسینه قارشو درعهده ایتدیکی وظائفی اجرادن نکول و امنیت عمومی اخیلاله تصدی ایلیان بر شخصك شو تجاوزاته قارشو هیئت اجتماعی بی مدافعه ایتامك بالطبع کار عقل دکدر. شو آدمك ایشلیدیکی جرمده - «ناتورالیزم» نك دیدیکی کی - حقیقه هیچ بر تقصیری اولسه بيله منافع عمومی نك تأمین سلامتی ایچون محکومیتی الزم ولا بددر. زیرا عکسی حالده مجازات حصوله کله جك نتایج وخیمه بر بیکنهای محکوم ایتمکدن متولد عدالتسز لکه نسبتاً دهاوخیمددر. حاصلی «ناتورالیزم» نك مجازات بشریه حقنده کی فکری هیچ بر قانونك وجود و اجرایله تألیف ایدیه مز !!

«ایده آلزم» مسلکینه کنبجه: بو مسلک احکامنه نظراً ترقی انسانیده بر امل عالی متصور موجود اولوب هیئت اجتماعی بو مقصد ايله تعقیب ایتدیکی طریقده تصادف ایده جکی موانعی - هر نه اولور ایسه اولسون - بلاتردد رفع وازاله ایلماك حقوقی حائزدر. «ایده آلزم» نك شو امل عالی متصورینی بشریتك بالذات ترتیب و تهیه ایتدیکی «غایه ترقی» یه تاویل صورتیه قبول ایلماك ممکن اولسه بيله اورایه وصول ایچون هر درلو عدالتسز لکه رضا کوسترمك خصوصی هیچ بر صاحب وجدانك قبول ایده جکی احوال دن دکدر. بر شخصك ایشلیدیکی جرمده مسئولیتك کیمه عائد اولدیغی دوشمنمکسزین مجرد افعال جنایه انسانیتك مرسای مقصده طوغری ایلرولمسنه مانعدر ديه او شخصی محکوم ایتماک ماهیتی هنوز مجهول بر «امل عالی» متصور ایچون بر ظلم حاضره راضی اولمق دیمکدر. بوايه هیچ بر وجهله شایان تصویب اوله ماز. بالاده کی تفصیلاً ننده آکلاشیله جفی وجهله شو اوج مسلکدن هیچ برینك رأی و قولی یالکیز باشنه بر قانون جزایه اساس اتخاذا ایدیه مز. فقط ناتورالیزم ايله

ایده الیزمینك یکدیگرینه مزج والحاقی صورتیه غایت مهم بر نتیجه استحصال ایتماک ممکندر. ناتورالیزم، هیچ بر جزا طرفداری اولمامسنه وایده الیزم، جزایی انسانیتك اقصای مقصده وصولی ایچون لازم بر فداکارلق فرض ایتمسنه مبنی ایکی مسلکك اتما دیله خصوصه کله جك قول جدیدك وظیفه سی، ناتورالیزمی به استناداً هر درلو مجازات شدید بی رد ایتمکدن و دیگر طرفدن ده انسانیتك غایه ترقی به وصولی تسهیل ایلجه جك تداییرده بولمقندن عبارت قالور. مثلاً بر جنایت ظهورنده فاعل هر درلو اشکنجه وادیتدن ازاده قلنه رق حقنده یالکیز انسانیتك سیر و ترقیسی تأمین وحمایه ضماننده هیئت اجتماعی نك حائز اولدیغی حق مدافعه نك الجا آتی اجرا ایدیلور.

بو حق اقتضاسنجه هیئت اجتماعی اوله اوجانی نك افعال بهلکه سنه بعدما میدان قالماق اوزره حبسخانه دینلان ر محله حفظ و ضبطنه حکم ایدر. واقعا بعض حقوق انسان، حق مدافعه نك مدت اجرای جرمك زمان وقوعیه محدود اولدیغی و بناء علیه جرمك وقوعندن صکره حق مدافعه نك دوامی موجب هیچ بر سبب قالمیه جفی سرد ایدیور لر سده بو فکر، جرمك جنت وامثالی مثللو جانیده ظهور ایده جك بر حال نتیجه سی اوله رق وقوعنده صحیح اوله بیلوب یوقسه مثلاً عمداً ایشله نیلان بر جرمده هیئت اجتماعی نك حق مدافعه سی فاعله جرمدن صکره ده دوام و بقا سی قویاً مأمول و ملحوظ اولان فکر خبائته قارشو اولمسنه بناء هر وقت موجود بولمق لازمکلور آلیاً حکومت انسانیتی فاعلك فیما بعد تعرضدن مصون قباحق و همده افراد ملتك او شخصه قارشو مکلف اولدیغی وظیفه بی مشترک بی ایفا ایتماک اوزره کندیسنك اصلاح خانه و تنویر فکرینه چالشور.

اشته شو اساسی اوزرینه پایله جق قانوندن نه ناتورا لیزمینك ونه ده «ایده آلزم» نك شکایته حق اولور، زیرا شو اصول سایه سنده انسانیتك طریق ترقیسنده کی موانع رفع وازاله ایدیه بیلدکن بشقه ارباب جنایتك محکوم ارله جفی مجازاتده آزچوق اوزون بر مدت ظرفنده حریت شخصیه و بعض حقوق شخصیه دن محروم قاله رق اصلاح نفسه چالشمقندن عبارت بولنور. بعض ایده الیزم مجازاتك

عدم شدتی افعال جنائیه نك تعدد و تكریخی انتاج ایده جكنی ادعا ایدیورلر ایسه ده دیگر طرفدنده شدت جزانك بو خصوصده کی محاسنی سائر جهتلرده کی محاذیرینه نسبتاً يك جزئی قاله جغی وبالذات محكوم اوزرنده کی تأثیرینه کلنجه : اصلاح حالی تأمین ایتك شویله طورسون اکثریا کندیسنده فکر خبائتک وانتقام ارزولرینك اترتمسینه سببیت ویره جکی سویلنمکده در. بناء علیه بو بابده شوراده بر فکر قطعی سردی نابجا در. فقط شوراسی یالکیز قبول و تصدیق اولنه بیلور که بوکون قوانین جزائیه ایچون بیان اولنان مختلف مسالك اقوانندن اك آرزایان اعتراض کورینانی «ناتورالیزمیله ایده آلزم» نك اتحدندن حصوله کلان شو دردنجی قولدر.

بو اساس اوزرینه مبتنی قوانینك نقدر موافق حکمت و عدالت اوله جغنی دهها زیاده میدان بداهته قویمق ایچون برحاکم ایله مظنون آره سنده جریان ایتمش بر مکالمه تصور ایله فرض ایده ملکه مظنون حاکمه ایشلیدیکی جرمی اعتراف و شوقدر که بونی حصول و ظهورنده ذره قدر صنع و دخلی اولمیان طبیعت و مزاجی و یاخود کوچکدنبری ابوینك کندیسینه ویردیکی سوء تربیه سببیه ایشلیدیکی و بویله بر شیدن دوچار توتخ اولمق، غیرك افعالندن مسئول طوتلمق دیمك اوله جغنی و بوکا ایسه عدالتك هدیج بروجهله رضا کو سترمییه جكنی ادعا ایتمش اولسون. حاکم بلا تردد بروجه آتی اداره کلام ایده بیلور : «هیئت اجتماعییه سکا اصلا لغت ایتیمور. بالعکس حالکه آجیور، فقط سن همجنسندن برینك حیاته قصد ایله امنیت عمومی و بونك نتیجه سی اوله رق انسانیتك اوج اعلاهی ترقیه وصولی تهدید ایتك. برده هرکس سندن بشقه جنایتك قربانی اولان و وفاتیه سفالت تامه ایچنده بر اولاد براقان مقتولك حالنه اسف ایدیور. بو نوع افعال غیر مشروعک دوامنه میران قالماق ایچون سنی هرکسندن اییره جغز. فقط بو حال عزالت، اصلاح نفسیه و فضیلت فکریه یه نائل اولدیغك کون منقطع اوله جقدر. چالشکه سنی ال بر لکیله طبیعتك و یاخود ابوینك محكوم ایتدیکی حال سفالتدن قورتارمیهلم». شو یولده ویریه جك بر جوابك علویتی تقدیر اولنماق قابل دکلدر. فقط بوسوزی، مع التأسف یالکیز عرض اولنان اساس اوزرینه موضوع قوانین

جزائیه یی تطبیق و اجرایه مأمور اولان حاکم سویله بیلور. حقوق جزاده ملل متمدنه نك بوکون واصل اولدینی درجه ترقی هنوز يك اهمیتسز در. اصلاحات و ترقیات لازمه نك تأمین حصولی ایچون الغسی الآن بر خیلی مشکلاته اوغرایان اعدام جزاسندن بشقه حبس مدتی جرمك درجه وخامت ظاهره سینه کوره تقدیر و تعیین ایدن اصول جزای حاضره نك بیله فسخی لازم کلکده در. بو ایسه حقیقتاً بر امر مشکلددر. دیگر جهندن حقوق شناسان عصرك اك ایلرو کلنلرندن هولچندورفك اجرا ایتدیکی استاتستیک تبعاتندن آکلاشلدیغنه نظراً قوانینده افعال متمدنه حقنده دهها شدید مجازات وضع اولدینی حالده هیئت حکام - اعلامات محاکمده تحقق ایتدیکی وجهله - تأویلات مختلفه یه قویله رق تعمددن زیاده اسباب جرائم اهمیت ویرمکده در. مثلاً فرانسه ده دوئللو قانوناً ممنوع اولدینی حالده کچن سینه رفیقنی اولدیرن یوزباشی نیچون محكوم ایدلمدی؟ زوجنك متره سنی بر صورت غدارانده قتل ایدن مادام ریمون نیچون «قریم پاسیونل» دیه برأت ایتدیرلدی؟ اطفال نوزادك اتلافی دهها رقت آمیز اولدینی حالده فاعللری حقنده نسبتاً نیچون رفیق ایله معامله اولنیور؟ حاصلی بوکون ملل متمدنه ده و حتی فرانسه و آلمانیا و بلجیقاده بیله حقوق جزانك يك چوق اصلاحاته احتیاجی بویله منقض قوانین اعلاماتك تعدد و تکريله تأید ایتکده در. قوانین ایله اعلامات بیننده کی شو اختلاف (!) قانونده مجازات هر جرمك مردودیت اخلاقیه مطلقه سی نسبتنده وضع و ترتیب اولدینی حالده هیئت حکامك، جرائمی بالخاصه هیئت اجتماعییه منافی نقطه نظرندن تدقیق ایلیمك ایستمسندن نشأت ایتکده در. فی الحقیقه سرقت قصدیه ایشله نیلان جنایت سائقه عشق و محبتله وقوعبولان قتلدن زیاده هیئت اجتماعییه نك سلامت و آتیسنی تهدید ایدر. حکام حاضره بورالرم قدر تعمیق نظر ایتدیکی حالده قوانین جزائیه افکار عتیقه بقیه سنی محتوی اوله رق بوا یکی نوع جنایت آره سنده هیچ برفرق بولمامشدر !!

اشته بالاده عرض اولنان «قیریمالیست» قونغمه لرینك اقصای مقاصدی بتون شو اصلاحاتك حصولنی

وبويله جه ترقیات مدنيه به موافق بر حقوق جزانك تأسيسی
تسهیل ایتمکدر.

ابن فکری لطفی

پاکیزه

مابعد

صباحلری باغچه به چیفدیغی زمان ییراقلر اوستند
پارلایان زاله لری، کیجه بی سودیکندن آیری کچرن عاشقلرک
کوزنده تترمین یاش قطره لرینه بکزه در، صکره ده مندیله
سیلوب قورودردی.

هر ییراق، هر چیچک، کنج قزک کوکلنه بر حس
سوداوی القا ایدردی.

کیجه یاغان یاغموردن بونی بوکلهش بر منکشی بی - واه!
زوالی نیچون بویله محزون طور بیورسک - دیهرک دوزلدی،
هنوز آچلمش برکک دنک آلتی بوسه لرله تبریک ایدر!..

۸

او آقشام سفره عالی پک شطارتلی کجی مینی
قوشلر قدر شن ونشلی اولان عفت، بلوری قهقهه لرله
هرکسه شوق و سرور و بیوردی. عفت اک کدرلی زمانده
بیله کولر یوزلی، شطارتلی بولنوردی. حتی قزغزک
بشوش چهره سنی کورنلر هیج بر الم و درد دی اولدیغنه،
فوق العده بختیارلغنه حکم ایدرلردی. فقط کنج قیز ظن
اولندیغی قدر بختیار والمدن آزاده دکلدی. والده سنک
وفاتی کوکلنده التیام پذیر اولیه جق بریاره براقش ایدی.
پاکیزه به کلنجه: محزونیتی یالکیز پدریله برابر بولندیغی
مدت جملی بر شطارتله ستر ایدر، سائر زمانلر دائم متفکر
ومتالم یاشاردی!

زوالمی به استقبال پک مظلوم کورینوردی. علی الخصوص
نقل ایتدیکنر زمانلر پدری بالواسطه کندیسنه، ازدواج
زمانک حلوانی، طالبلرندن بریسنی انتخاب ایتسی لازم
کلدیکنی اخطار ایتمکده کندی ایسه اونلردن هیج برینی
آرزوسنه، فکرینه مطابق بوله مدیغندن وجدانی اتشله
ایچنده قالمده ایدی.

دیوردی که:

— اوف! یارب عجبا انسان بختیار اولمق ایچون مطلق
تاهل ایتمکی لازمدر؟. فکریه موافق اولیان بر آدم

ایله ازدواج بنم ایچون سعادت دکل جهنم عذابیدر! یمکدن
صکره شرف خانم کلدی عفت سر قوم بی پک سودیکی
وبرایکی آیدر کورمدیکی ایچون صاریله زق بر چوق اویدی.
نیر پک حرمنه دیوردی که:

— دنیاده اک بویوک سعادت مکر کنجک ایش.
شو چو جقلرک کمال صفوتله او بوشمه لری. طاتلی طاتلی
قهقهه لری بنی امر ندردی. تکرار کنجلمشک ممکن اولسه،
دم شبابک قیمتی پک کوزل بیلیر، بر کوننی مغموم کچیر.
مزدملر! لکن هیمات! باری بوندن صکره بزده سودکلر منزک
نشئه و منونیتیه کلنه لم. شیمدی بنم ایچون اک بیوک سعادت
پاکیزه می شانه لایق بریسنه و یروب اخفادیغی اوقشام قدر.
انشالله اکاده یقینده موفق اولورم.

شو صوک سوزلر پاکیزه نک قولاعنه بارقه بلا کبی
تأثیر ایتدی.

— عجبا بابامک بکالایق کوردیکی زوج ناصل اوله جق؟
دیه مرلاندی. بو سوزلری ایشدیکی وقت غیر اختیار
اوله رق حس ایتدیکی حدت بو آقشام شدت حاصل ایلدی.
رفیقه لرینه خطاباً:

— هایدی! هایدی باغه کیدلم! ظن ایدر سه م او طه
پک صیچاق بوغوله جغم!.. دیهرک، اونلری بکله مکسزین
فیودن فرلایوب چیقدی. عفت آرقه سندن - پاکیزه کانی
کتیره ییمی؟ - دیه سسلندی ایسه ده قولاغنه بیله کیرمدی.
عفت کندی کندینه دیوردی که:

— یینه بو کیجه حالنده فوق الحد بر حدت وار! آه
بو قیزک حالی مشکل بر معماردر، اسرارینه عقل ایرمزکه!..
ماهتابک کوزللیکی، اطرافک سکوتی، بو سکوت
آرمسند شرفک مؤثر صداسیله حزین حزین - بختیار
اولمقدمه کوچ عالمده آه! - گفته لی حجاز شرقی بی او قوییشی
اوقدر تأثیر ایتدی که آرم صره کیریشلرینه براوق و وره رق
کویا رفاقت ایتدیکی کانی الندن آنوب - شرف الله غشقنه
بو شرقی بی بر قاچ کره تکرار ایت! دیه باغردی. بو کیجه به
قدر رفیقه لرینه قارشو شودر جه ضمه قلب کو سترمه مشدی.
بو حالندن یینه کندی محجوب اولدی. کولمه غیرت ایدرک
دیدیکه:

— شبهه سز بو حالم سزی کولدور مشدر! فقط سببی